

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Promptuarium allegoriarum sacrarum praincipia fidei
christianae capita illustrantium: indice quadruplici
instructum post editiones 5 revisum, iam septimo
recusum**

Botsack, Johann

Francofurti ad Moenum, 1678

Articvlvs IV. [II.]

[urn:nbn:de:bsz:31-142795](#)

Ita pii maximè tristes erunt tempore iudicij, finem seculi exspectantes, pressi durâ servitute vanitatis, Rom. 8. v. 20. & peccati, Rom. 8. v. ult. Malis interim in utramque aurem dormientibus, 1. Thessal. 5. vers. 2, noctu dormiunt, Matth. 24. v. 7. 12. Sicut antediluviani homines.

PII GEMENTES, IN JUDICIO
liberantur.

1677. Ezech. 9. v. 4. *Gementes ob malitiam, signantur Thau, & liberantur.* Ita pii gementes sub onere mali culpa & pœnae, Rom. 8. v. 23, tandem liberabuntur. Gemitus ille est columbarum gemitus, quos exaudit Dominus & ad liberandum columbam (ecclesiam suam) cœlo descendit.

ARTICULUS IV.

DE NOMINIBUS VARIIS EXTREMIS JUDICII.

DIES IUDICII VOCATUR
aſas.

1678. Lucæ. 21. v. 30. Marc. 13. v. 28.

1. *Ob solis propinquitatem:* Sol enim justitiae maxime propinquus erit, cum revelabitur in regno gloria sua, 2. Thess. 1. v. 7. 8. revelata facie eum intuebimur & videbimus sicuti est, 1. Joh. 3. vers. 2. æternum gaudium super capita nostra erit, Esa. 35. v. 10. cap. 51. v. 11. Hic videmus solem illum in ænigmate, 2. Corinth. 13. in hac vita radii obliquè sparguntur; in altera vita direxti erunt: Unde Christus de hac ait lœtia: *Gaudium vestrum nemo tollet à vobis,* Joh. 16. v. 22. 1. Petr. 1. v. 8.

2. *Ob agricolarum declarationem:* In messe videamus,

mus, quinam fuerint industriae agricultoræ: ita in judicio apparebit, quinam bene seminaverint, Gal. 6.v.8.

3. *Ob impiorum confusionem*: Ut enim dormientes in æstate pudefient, Prov. 5.vers.4. seqq. Ita impii sterentes in æstate judicii in peccatis obdormiscunt, æternâque morte moriuntur, pudefiunt, quia iustitiae fruges sibi non collegerunt, sed carnis, à qua perditionem metuunt, Gal. 6.v.8.

4. *Ob messiōnem, collectionem frugum, areae expurgationem*: ita enim in altera vita homines metentur per angelos, Matth. 13.v.40. colligentur fruges, quæ in agro mundi creverunt per semen verbi, Luc. 8. triticum colligetur in horreum æternæ beatitudinis; Paleæ igni inextinguibili comburentur, Matth. 3.v.12. Et sic area Domini expurgabitur, in qua triticum cum zizaniis mixtis fuerat, ad illum diem messis, Matth. 13. v.30.

5. *Ob letitiam*. Ea magna est in messe, Esa. 9.v.3. Ita latabimur coram Christo, metentes hanc messem. Job. 6. v.22. *Latabitur cor vestrum*, I. Petr. 1. vers.8. Esa. 35.v.10.

6. *Ob impiorum interitum*. Ut in messe radix exarescit & spica demetitur; ita radix impietatis planè exarescet in inferno, adeò arida erit, ut vel gutta deficiat atquæ, Luc. 16. *Pater mitte Lazarum*, ne pro-pullulet; & spica, hoc est, flos, impii, planè demetur, Job. 18.v.16. inque clibanum æternæ damnationis injicietur.

JUDICIUM EXTREMUM est fluvis ingneus,

1679. Dan. 7.v.10. *Fluvius igneus egrediebatur
et facie antiqui dierum*. Fluvius ille igneus judicium
Ccc 4 est

est condemnationis, quod à facie Domini egreditur.
Fluvius autem est,

1. Quia toller omnes non ædificatos super petram Christum, Matth. 7.v.27.

2. Fluvius purgat alveum terramque, per quam delabitur turbulentio aquarum agmine: ita judicii divini fluvius terram purgabit, quisquias impurissimas impiorum hominum toller, & sic terram purgabit.

3. Fluvius tandem se exonerat in mare, & ex mari oritur. Unde oritur divini judicii fluvius? ex mari infinita Dei justitiae, 2. Thess. 1. v.6.7. Rom. 2. v.8.9. Psal. 7.v.12.13. In quod mare se exonerat hic fluvius judicii? In mare divinæ justitiae, quam sentient impii in mari & lacu illo damnationis, Apoc. 20.14.

1. Igneus est, devorabit cñim omnia.

2. Terrebit omnia.

3. Penetrabit omnia.

4. Purgabit omnia.

5. Illuminabit omnia. Facile hæc ad divinum iudicium possunt accommodari.

JUDICIUM EXTREMUM EST

olla succensa.

1680. Jerem. 1. v.12.13. Propheta vidit virgam vigilantem, & ollam accensam: illa tempus gratiæ significat, quo saluti nostræ invigilat Deus, erudiens nos virginæ verbis sui, ut semper vigilantes simus, Luc. 21.36. Apocal. 3. v.2. 1. Thess. 5. v.6. Apoc. 16. vers. 15. Hæc iram Dei judiciale designat. Conf. Ezech. 24. v.2. quæ in iudicio maxime effervesceret, 2. Thess. 1. v.8. In hac olla constitutus Dives ille, Luc. 16. guttam aquæ petuit.

JUDICIUM EXTREMUM.

1681. Jerem. 48. vers. 44. Pavor & foeda & laqueus

quens super te ô Moab: in extremo judicio impiis patratus erit

1. *Pavor conscientiaz internus, ut Exod.14. v.24.*
Apoc.6.v.16.

2. *Fauces inferni divaricantes fovea crunt, Esa.5.*
vers.14.

3. *Judicis inopinatus adventus erit laqueus, quem effugere non poterunt, Luc.21.v.34. Eccl.9.v.12. immo Diabolus ipse laqueus erit, Psal.31.v.3. Job.18.vers.6.*
1.Tim.6.v.9. & 26. cui ut servierunt, ita cum eodem æternum cruciabuntur.

JUDICIUM EXTREMUM EST tempus putationis.

1682. Cantic.2.v.12. *Tempus putationis advenit.*
Hoc tempus est judicii extremi, quô palmites steriles excentur, Joh.15.v.6. Ezech.17.v.9. lolium colligetur, Matth.13.v.30. arbores putres in ignem conjiciantur, Matth.7.v.19. ut membra offendentia, Matth.5.v.29. ut solæ plantæ justitiæ remaneant, Esa.60.v.21. sicut palma viridis, Psal.92.v.3. in domo patris, Joh.14.v.2.

JUDICII EXTREMI DIES.

1683. Sophon.1.v.12. *Duo comminatur Dominus:*

1. *Sedulam perscrutationem.*

2. *Malorum visitationem.* Hæc in Judæis completa esse ad literam, extra omnem dubitationis aleam positum est: Nihilominus tamen erit simile judicium extreum, in quo

1. erit *sedula scrutatio*, & quidem per lucernas. Quæret enim Dominus electos suos, toto orbe dispersos, & in mundi hujus tenebris vagantes, colligentur enim pii, Matth.13.v.30. Quasi per lucernas quæ-

Cec 5 ret,

ret, ut mater familias drachman, Luc. 15. v. 8. quia ibi pios consolabitur, ut mater filium, Es. 66. v. 13. lachrymasq; absterget, Apoc. 7. v. ult. Quaret etiam reprobos, eorum opera manifestando. Nihil enim occultum erit, quod non à lumine manifestetur, Eph. 5. v. 13. 1. Cor. 4. v. 5. Quaret etiam malos, ut in tenebris planè sepultos, qui sunt extrema mundi malitia, de qua Matth. 24. 2. Tim. 2.

2. Alterum est malorum cum fecibus suis concretorum *visitatio*. Mali cum fecibus concreti securi & somnolenti, de quibus 1. Thessl. 5. v. 3. 2. Pet. 3. vers. 10. Matth. 24. v. 48. cum fecibus securitatis concreti & indurati, ut Moabitæ, Jer. 48. v. 11. Hi mali dicunt: Neque bonum neque malum fuit Jehovah, compactarium illud ingeminant, 2. Petr. 3. v. 4. Hos visitabit in ira sua Dominus, 2. Thessl. 1. v. 8. Caveamus ergo, ne in illorum summo numero.

ARTICULUS III. DE CAUSIS EFFICIENTIBUS

Judicii.

CHRISTUS REDUX LIBERA-
tionis signum.

1684. *Arcus in nubibus liberationis signum erat Noacho*, Gen. 9. v. 12. Christus in nubibus apparens longè certius signum est liberationis, ne torrentes aut aquæ Belial nos perterrefaciant, Rom. 8. vers. 23. 2. Tim. 4. v. 18. planè enim obmutescunt impii. Ideo iridem in capite gestare dicitur, Apoc. 4, 3. in signum plenissimæ reconciliationis.

CHRISTUS IN NUBE REDI-
turus.

1685. Exod. 16. v. 10. *Gloria Domini in nube ap-
paruit,*